

(...)

Pendaries, testamant

Au nom de dieu soict sachant tous presans  
et advenir que l( ) **an mil six cens trente neuf** et le  
**vingt huitiesme** jour du moys de **novembre**  
avant midy **au lieu des filholz** juridi(cti)on de( ) villemur  
dioceze bas montauban et senechaucee de th(ou)l(ouse)

.....  
603

regnant n(ot)re souverain et tres( ) chrestien prince loui  
par la grace de dieu roy de france et de navarre  
pardevant moy no(tai)re royal soubz(sig)ne e(t) presans  
les tesmoings bas nommes dans la maison de  
**jaques pendaries dict de la guilhalme laboureur**  
habitant dudit lieu **des filhols** a( ) este en personne  
led(it) jaques pendaries lequel gisant malade dans  
ung lict mais par la grace de dieu en ses bon sens  
jugement memoire et cognoissance bien voyant oyant  
e(t) parlant comme a apareu a( ) moy no(tai)re et tesmoings  
considerant qu( ) il n( ) y a rien plus ]de[ certain que  
la mort ny de plus incertain que l( ) heure desirant  
disposer de( ) ses biens a( ) de son bon gre et franche  
volonte non seduict induict ny suborne de personne  
ainsy qu'a dict fait et declaire son testamant  
nuncupatif comme s( ) ensuict premierement  
a( ) invoque le sain)t non de dieu le supp(li)ant luy vouloir  
pardonner ses peches et recepvoir son ame en son  
paradis celeste et veult led(it) testateur qu( ) incontinant  
apres son deces son corps soict ensepvely au **cimetiere**  
**s(ain)t jean** de villemur selon la forme de la **religion**  
catholique romaine et que ses honneurs funbres  
soient faictes a( ) la discretion de **francoise faure sa**  
**femme** laquelle faure led(it) testateur ordonne  
pour tutrisse et administreresse des personnes et bien  
de ses enfans sans qu'elle soict tenue rendre

.....  
aucun compte de lad(ite) administra(ti)on ny faire proceder  
a( ) l( ) afferme desd(its) biens de( ) quoy il la decharge considerant  
le peu de revenus que sesd(its) biens peuvent porter  
lesquels ne seront suffisans pour l( ) entretènement  
desd(its) enfans et pour esviter les frais qu( ) il  
conviendroict faire mesmes veult led(it) testateur  
qu'apres que son fils et herettier bas nomme  
aura attainct l( ) age de vingt cinq ans que

neanmoins lad(ite) faure sa mere aye la dilection  
et governemant des biens vivant en vefvage  
et honnestemant comme il s assure qu'elle fera  
a declairé led(it) testateur qu il auroict constitue  
de dot a **anthoinette pendaries sa fille** en son **contract  
de mariage avec jean chaubard** receu comme il  
a dict par moy dict no(tai)re de laquelle constitu(ti)on  
il veult qu'elle soict payee aux termes portés  
par led(it) contract et qu'au moyen de ce ladicte  
anthoinette sa fille ne puisse autre chose prethendre  
sur ses biens et hereditte / item donne et legue  
led(it) testateur a **jeanne et lisette pendaries ses  
autres filles** et de lad(ite) faure a( )chacune la somme  
de trente livres que leur sera payee par son her(iti)er  
lors qu'elles viendront a( )se marier et jusques  
a( )ce elles seront nourries et entretenues dans  
la maison avec leur dicte mere en travaillant  
au proffict de l( )herettier, comme aussi donne

---

604

et legue led(it) testateur a **jean pendaries son fils**  
et de sad(ite) femme la somme de soixante livres  
que lui sera payee lors qu( )il aura attainct  
l( )age de vingt ans e(t )jusques a( )ce il sera tenu  
de demeurer dans la maison avec sad(ite) mere et  
l( )herettier bas nommé et travailler au proffict  
d( )icell(uy) herettier lequel par ainsi sera tenu le nourrir  
et entretenir et au moyen desdictz leguatz lesd(ites)  
jeanne et lisette pendaries et ledit jean pendaries  
ne pourront rien plus demander sur les biens  
et hereditte dudit testateur et en cas sesd(its) enfans  
viendroient a deceder avand d( )estre colloques en mariage  
ou l( )ung d( )iceux led(it) testateur veult que lesd(its)  
leguatz retournent a( )sond(it) herettier et en tous  
et checuns les biens noms voix droictz et actions  
dudit pendaries testateur icell(uy) a institue et  
nomme de( )sa( )bouche pour son herettier universel  
et general **guillaume pendaries son fils** et de ladicte  
faure pour desd(its) biens incontinant apres  
son deces en pouvoir disposer a la vie et a la mort  
et ainsy ledit pendaries a declaire sa volonte  
et derniere disp(ositi)ons desd(its) biens que veult  
que soict valable par droict de testamant  
codicille donna(ti)on et par toute autre meilleure  
forme de droict cassant et annullant tous autres  
testamans et disp(ositi)ons precedantes qu( )il pourroit  
avoir faictes afin que le presant sorte a effect

---

sy a pries les tesmoins appellees a( )sa( )requi(siti)on

d en estre memoratifz et a moy no(tai)re m( )a requis de  
luy en rettenir instrument ce qu( )ay faict  
en presance de noble françois de ruffou  
sieur de mongairal e(t )pol bousquet de  
villemur signes jean pendaries dict perrot, gaspar  
pendaries, jean chaubard forgeron, barthelemi  
chaubard etvjean faur e laboureurs dudict lieu  
des filhols ne sachant ny ledit testateur et moy  
no(tai)re requis.

MONGAIRAL

Bousquet, p(rese)nt

Esteverin, not(aire)